

Carta chí ivi naçahyí Pablo núu ná cúú cuéntá Jesús ndúu ñuu Corinto

Cáhan Ndióxi Pablo xihín na cúú cuéntá Jesús ndúu ñuu Corinto

¹ Yehe cúú Pablo, da naçaxi Ndióxi cacuu apóstol cuéntá Jesucristo jáchi já cúní a caja. Yehe xihín ñaní, Timoteo cáhyí nde carta yóho nu ndóhó, na cúú cuéntá Ndióxi ndúu ñuu Corinto ta nu tóco ndihi na cúú cuéntá Ndióxi ndúu estado Acaya.

² Ña cúní quéa ná caja Ndióxi, tátá yo xihín Jesucristo, xitoho í cuahá ñamaní xihín ndo ta ná caja mé á ña ná coo vaaha ini ndó.

Ndóho ini Pablo

³ Cóho caja cáhnu í Ndióxi, mé a cúú tátá xitoho í, Jesucristo. Jáchi Ndióxi cúú á tátá yo, mé á sá tahvi ini saha yo ta cúú á Ndióxi ña chindeé mí tá ndóho ini.

⁴ Mé a cán sahan tuhun ndeé ini nu tóco ndihi ña ndóho ini já quéa ná cuu caja ri mé ví quiahva í tuhun ndeé ini ñayivi tá ndóho ini na. Tá quiahva cája mé á xoho quiahva já ndítahan caja í xihín ñayivi.

⁵ Jáchi tá quiahva ndóho ndivaha ini saha Jesucristo ta sa mé quiahva já sahan cuahá ndivaha mé á tuhun ndeé ini tá ndóho ini.

⁶ Tá ndóho ini mé nde já cuu quixi tuhun ndeé ini mé ndó ta já cuu cacu ndaa ínimá ndo. Tá sahan Ndióxi tuhun ndeé ini nde já quéa sahan ri mé á

tuhun ndeé ini mé ndó viti. Ta xihín ña yóho cuu coo ndacú vaha ini ndó tá ná quixi ña ndoho ini ndó tá quiahva ndóho ini mé nde.

⁷ Cándée ini nde ña a jándacoo ndó tuhun Ndióxi jáchi cándaá cáxi ini nde ña tá quiahva ndóho ini quiahva já sáhan Ndióxi tuhun ndeé ini.

⁸ Candehé ndó, ñani i, na cúu cuéntá Jesús. Cúni nde caxi tuhun nde nu ndo tá quiahva nandoho ini nde estado Asia. Nasacuu a tondóhó chichánu nuú nde ta chí a cándée ga ini nde nacaán nde, nduu. Ta chí nasahnda ini nde: “Yóho quiví”, nacaán nde.

⁹ Nacaán nde ña jándá ndáti cuití nde quivi nde joo nachindeé ña yóho ndehe jáchi náha nuú nde ña co ndítahan cándée ini nde mé nde. Jáchi ña ndítahan cándée ini nde cúu Ndióxi, mé a jánditacu tucu ndji.

¹⁰ Najáca cu Ndióxi ndehe tañu tondóhó ná a quiví toho nde. Ta mé á quéa jáca cu a ndehe nuú ndihi tondóhó vaxi chága chí nuú. Jáchi cándée ini nde mé á ña chindeé tá chindeé a ndehe nuú ndihi tondóhó.

¹¹ Ta mé ndó chindeé ndó ndehe tá xíca tahví ndó nu Ndióxi sahá nde. Jáchi tá ná cacá tahví cuahá ñayivi nu Ndióxi sahá nde, sa mé quiahva já ndiquiahva cuahá ñayivi ndixahvi nu Ndióxi sahá ñamaní cája Ndióxi xihín nde.

Ndicani Pablo ndá saha quéa coó nasahan da ñuu Corinto

¹² Ín java ñaha cája ña ná coo vaha ini nde ta cúu á ña yóho: cándaá cáxi ini nde ña co cája nde ña núu ta tóco ndihi ña cája nde ñuyiví yóho cája nde ña xihín ndinuhu ini nde. Ta xihín ndinuhu chága ini

nde cája nde ña cán tañu mé ndó. Ta ni in ña cája nde co cája nde ña sahá ña ndíchí quixi jini mé nde jáchi mé Ndióxi quéa táhvi ini sahá nde ta chindeé a ndehe cája vaha nde.

13 Tá nacañyí nde carta nu ndo jihna coo nacañyí nde tuhun ña a cuú candaa ini ndó jáchi ndacú ndacú cáhan nde xihin ndo nu carta cáhyi nde. Jáchi cuni nde ña ná candaa vaha ini ndó

14 ña co cándaa cuahá ini ndó viti. Ta cuni nde ña ná cajii ini ndó saha mé nde tá quiahva cajii ini nde saha ndo tá ná tandaa quivi quixi tucu Jesucristo ñuyívi yóho.

15 Sahá ña cándéé ini i ndohó sahá ña cán quéa nasacu ini i coto nihni jihna ñúhú i ndohó ña ná cajii ndivaha ini ndó tá ná cuni ndó yehe ivi tañu.

16 Jáchi nasacu ini i coto nihni i ndohó tá ná yaha i cuhun i chí estado Macedonia ta já coto nihni tucu u ndohó tá ná ndicó coo i cán. Anda já cuu chindeé ndó yehe quehé e íchi cuhun i chí estado Judea.

17 Coto a cáhán ndo ña nacañvi ivi joho ini i tá nasacu ini i caha i ña yóho. Ta ni a cáhán ndo ña sácú ivi joho ini i xihín ña cája i tá quiahva cája ñayivi ñuyívi jáchi ndá chuun quéa cáchí i jivi a tá a juú a.

18 Sándehé cáxi Ndióxi ña co jándahvi nde ndohó jáchi co cáchí nde xihin ndo “ajan” tá cuni cachi nde “uhun.”

19 Jáchi co cája Jesucristo já. Co cáchí a “ajan” tá cuni a cachi a “uhun.” Ndinuhu ña ndaa quéa cáhan Jesucristo jáchi mé á cúú á in túhún jini já jahyi Ndióxi, mé a cáhan Timoteo xihin Silvano xihín yehe sahá nu ndo.

20 Jáchí xihín Jesucristo jáxinu coo Ndióxi tóco ndihi tuhun nasahan mé á nu yo. Sahá ña cán quéa tá cajú cáhnu í Ndióxi cuu cachi yó “Já ná coo.” Ta tá cachi yo “Já ná coo” cúú á sahá ña nacaja Jesucristo.

21 Ta mé Ndióxi nandaja ndacú a ndehe ta nandaja ndacú a ndohó. Ta nacaxi a mí cacuí ñayivi cuéntá mé á.

22 Jáchí mé á cúú á xitoho mí ta cómi a cuéntá saha yo. Ta nasacu a ínimá yíí mé á ini ínimá yo já ná candaa vaha ini ndá quiahva íin ñamaní cajú Ndióxi xihín yo chí nuu.

23 Sándehé cáxi Ndióxi ña mé a ndaa táhyí cáhan í xihín ndo. A ñaha saa í ñuu Corinto jan tá quiahva nasacu ini í cajú í jáchí co cúni jácacuéha í ini ndó.

24 Co cúú á sahá ña cúni nde cajú ndúsa nde sahá ña ndítahan candúsa ndó. Jáchí sa xíni nde ña sa ndúu ndacú ndó cándéé ini ndó Jesucristo. Ña cúni nde quéa chindeé táhan nde xihín ndo já ná cajii ini ndó.

2

1 Sahá ña cán quéa nasacu ini í ña ná a cühun tucu u coto nihni í ndohó já ná a cácuéha ini ndó.

2 Jáchí tá ná jácacuéha yehe ini ndó a cúu cajú ndó jácajii ndó ini í jáchí mé ndó cúú ná jácajii ini í. Joo ndaja cajú ndó jácajii ndó ini í tá sa najácacuéha í ini ndó. A cuú cajú ndó ña.

3 Sahá ña cán quéa nacahyí í in carta ña nachindahá í nu ndo cán jáchí co cúni xinu í jan ta jácacuéha ndó ini í sahá ña cajú ndó. Jáchí ndítahan jácajii ndó ini í nani íin í xihín ndo. Jáchí xíni vaha í ña tá cájii ini í já cájii ini ri ndohó va.

4 Joo nani naçahyí i mé carta cán já naçasáhá táhvi ini i ta ndícani ini i janda quiahva naçasáhá sácu u. Coó naçahyí i ña sahá ña cúní ña ná cataṭi ini ndó xihín á joo cúní ña ná candaḡ ini ndó ndá quiahva quihvi ndivaha ini i ndohó.

Ndítahan caja cáhnu ini na ndúu ñuu Corinto sahá in da naçaja cuachi

5 Ta mé da naçaja cuéha ini i cán coó naçaja cuéha da ini in túhún yehe tá naçaja da cuachi. Joo cúu á tátuhun naçaja cuéha ri da ini ndihi ndó. Cáhan i ña yóho xihín ndo ña ná a jánani ndivaha ndó da.

6 Jáchi cuaha ndó sa najánani ndó da cán. Vaṭi já va caja xíxi ndó xihín dá. Ndáhvi da.

7 Ña ndítahan caja ndó quea caja cáhnu ini ndó saha dá viti ta quiahva ndó tuhun ndeé ini da jáchi a juú tiaha náá cacuéha ini da xihín ña cája ndó xihín dá.

8 Sahá ña cán quea xíca tahví tucu u nu ndo ña ná jánaha ndó nu dá ña mé a ndaa quihvi ini ndó da.

9 Sa naçahyí vi in carta nu ndo nu ndícani i sahá ña yóho. Naçahyí i ña sahá ña nasacu ini i coto ndojó i ndohó á mé a ndaa táhyí cája ndó tá ín naçachi i xihín ndo.

10 Ña cán quea ndá na ná caja cáhnu ini ndó saha já caja cáhnu ri ini yehe va saha ná. Ta tá ín in ñaha ndítahan caja cáhnu ini i saha já quea cája i ña saha mé ndó. Ta sándehe cáxi Jesucristo ña cája i.

11 Jáchi tá ná a cája í ña já quea cándéé tiñhá sacuaḡa xihín yo jáchi sa xíní vaha í ña cúní rí jándahvi rí ñayivi.

Ndícani ini Pablo nani ín da ñuu Troas

12 Tá naxinu coo i ñuu Troas ña caxi tuhun i tuhun vaha saha Jesucristo já nanuná nuú i caja chúun vaha i cuéntá mé á cúú xitoho í.

13 Joo coo nasahin vaha ini i jáchi coo nañehé e ñaní Tito. Saha ña cán quea nandindayí i ñaní, na ndúu ñuu Troas já naquee e cuahan i chí estado Macedonia ndinducú u da.

Sáhan Jesucristo ndée á nu yó quee vaha í

14 Ndiquiahva i ndixahvi nu Ndióxi jáchi sahá ña nacaja Jesucristo quee vaha í níi tiempo. Tá quiahva ndicuita nuu in jico támi sahan quiahva já ndicuita nuu tuhun Ndióxi cája nde já quea ná cuu candaá ini ñayivi tuhun vaha saha Jesucristo.

15 Jáchi mí cúú yó tátuhun jusa vaha ña támi sahan ña jóco Jesucristo nu Ndióxi. Ta ndicuita nuu a tañu na jácacu Ndióxi sahá ña candeé ini na mé á. Ta jári ndicuita nuu a tañu na cuhun indayá sahá ña coo nacandúsa na mé á.

16 Mí cúú yó tátuhun jusa támi sahan nuú na sa candaá ini tuhun Ndióxi jáchi xini na ñéhe yó tuhun ña cuu jácacu ínimá ná. Ta nuú na co xini tuhun Ndióxi cúú yó tátuhun in ña quini ndivaha sahan jáchi cuhun na indayá. Ndá na cúú caja jáxinu ini ñayivi, da já.

17 Jáchi xini Ndióxi ña mé nde co xica nuu nde cahan nde tuhun Ndióxi sahá jjuhún ta co jáma nde ña tá quiahva cája cuahá ñayivi. Ña cája nde quea cahan nde xihín ñayivi xihín ndinuhu ini nde ña sahan Ndióxi nuú nde cahan nde. Jáchi mé nde cúú nde na nachindahá Ndióxi ta cája chúun nde saha Jesucristo.

3

Cáxi t̄uhun Pablo sahá t̄uhun saá ña sáhan Ndióxi nuú ñayivi

¹ Co cáhan nde ña yóho xih̄in ndo sahá ña cúni nde caja cáhnu nde mé nde. Jáchi co xíní ñúhú nde caca nde in tutu ña cáchí cúú nde ñayivi ndísáhn̄u ini nu ndo tá quiahva cája java na.

² Mé va ndó cuu quiahva ndó t̄uhun vaha sahá nde jáchi tá ná cuni ñayivi tá quiahva nandijama Ndióxi ínima ndo xih̄in t̄uhun naçahan nde xih̄in ndo já candaa ini na ña naçaja vaha nde tá naçaja chúun nde tañu mé ndó.

³ Jáchi náha cáxi táhyí a ña cúú ndó tát̄uhun in carta naçahyí Jesucristo ta mé nde jánaħa nde ña nuú ñayivi. Co cúú á in carta naçahyí nuú tutu. Cúú á ña naçahyí ínima yii Ndióxi, mé a tácu indiví. Ta cúú á in carta ña coó naçahyí nuú yuu jáchi cúú á tát̄uhun naçahyí a ini ínima ñayivi.

⁴ Ta cáhan nde ña yóho jáchi cándeé cáhnu ini nde Ndióxi sahá ña naçaja Jesucristo.

⁵ Co cúú á sahá ña quíxi jini mé nde cája nde ña. Jáchi Ndióxi quéa sáhan ndée á nuú nde caja nde chuun yóho.

⁶ Ta mé á quéa chindeé ndeħe caja chúun nde cuéntá mé á xih̄in cuéntá t̄uhun saá naçahan nu yo. Co cája chúun nde saħa ley naçahyí nuú tutu joo cája chúun nde saħa ínima yii Ndióxi. Mé ley cája ña ná quivi ñayivi joo cája ínima yii Ndióxi ña ná catacu ñayivi anda ama cáa quivi.

⁷ Tá naçahyí ley Moisés nuú yuu, já nandiyeh̄e ndivaha nuú Moisés janda quiahva coó naçuu ga candehé na Israel nuú dá. Joo nuú nandiyeh̄e

nahá cán nacasáhá ndáhva ña janda quiahva nandahva ña. Candehé ndó. Vatí nandiyehé ndivaha nuú naquixi mé ley, ña cuu chindahá ñayivi cuhun na indayá

⁸ Joo ndaja ga ví ndiyehé chága nuú quixi tuhun vaha cáhan saha Jesús nuú ñayivi jáchi sahan Ínima yii Ndióxi tuhun yóho nu yo.

⁹ Candehé ndo. Vatí ndató nasahjin tá naquixi mé ley ña cuu chindahá ñayivi indayá joo ndaja ga ví ndató coo tá cáxi tuhun í xihín ñayivi ña coó ga cuachi na nu Ndióxi.

¹⁰ Jáchi coó sahá ga ña ndató mé ley naquixi jihna cán tá ná jácatáhan í ña xihín ña ndató chága nasahan Ndióxi nu yo viti.

¹¹ Ta tá ndató nasahjin nuú naquixi ña nandihi saha cán ndaja ga ví ndató chága coo ña sahan Ndióxi nu yo yóho jáchi a ndíhi toho sahá.

¹² Ta sahá ña ndáti tiahva nde coo ña yóho sahá ña cán quéa co yíhví nde cáhan nde ña xihín ñayivi.

¹³ Co cája nde tá quiahva nacaja Moisés tá nachijahvi da nuu dá xihín in jáhma ña ná a cúní na Israel ña sa cuahan ndáhva ña nandiyehé nuu dá cán.

¹⁴ Joo mé na Israel cán coó nacandaa ini na ndá cuénta quéa nachijahvi Moisés nuu dá. Ta janda viti ndájí yii xíní túni ná jáchi vatí cáhvi na tuhun Ndióxi ña nacahyi sanahá joo co cándaa ini na ña jáchi najahvi xíní túni na ta a cúu nuná. Jesucristo cuití va cuu jándinuna xíní túni ná tá cándéé ini na mé á.

¹⁵ Mé na Israel ndájí yii xíní túni ná janda viti jáchi tá cáhvi na ña nacahyi Moisés co cándaa ini na ña. Cúu ná tátuhun in na jáhvi jáhma nuu.

16 Joo tá ná ndicó cōo ini ñayivi nu Ndióxi já ndinuna xíní túní ná. Cúú á tátuhun ndicava jáhma nasandaji nuu ná.

17 Jáchi ínima yíi Ndióxi cúú á xitoho í. Ta nu ín mé á, cán núná xíní túní ñayivi.

18 Ta viti cúú yó tátuhun in yutátá nuú cuu cuni ñayivi tá quiahva cáhnu cúú Ndióxi. Jáchi cō ndájí ga xíní túní yō viti sahá ña ñacasáhá ndíjama Ndióxi mí viti ná nduú tá quiahva cáa Jesucristo. Ta tá quiahva cáhnu cúú mé á quiahva já loho loho nduu cáhnu yó tá quiahva cáa mé á. Já cája xitoho í, mé a cúú ínima yíi Ndióxi.

4

1 Sahá ña cán quéa ín ndacú ini nde cáhan nde tuhun Ndióxi xihín ñayivi jáchi sahá ña natahvi ini Ndióxi sahá nde sahá ña cán quéa nasahan mé á chuun yóho nuú nde.

2 Mé nde nasacu xóo nde tóco ndihi ña núu cája jehé ñayivi. Ta cō sácú ini nde jándahvi nde ñayivi tá cáhan nde tuhun Ndióxi xihín ná. Ña cája nde quéa cáhan nde ndinuhu ña ndaa ta xihín ña yóho sándehe cáxí Ndióxi tá quiahva náha nde nuú ñayivi ña cája nde ña vaha.

3 Tá cō cándaa ini ñayivi tuhun vaha sahá Jesús ña cáhan nde xihín ná, cúú á sahá ña xíca na íchi cuahan indayá.

4 Jáchi sahá ña cō cándúsa na ña cáhan nde xihín ná sahá ña cán quéa nandaji xíní túní ná ñacaja tiñahá, mé rí cúú xitoho ñuyíví yóho ña ná a cúní na ndá quiahva ndató ndíyehē tuhun vaha cáhan saha Jesucristo, mé a cáhnu ndivaha, mé a cúú á yuhú nuu Ndióxi.

⁵ Mé nde cō xíca nuu nde cáhan nde saha mé va nde. Ña cája nde quéa xíca nuu nde cáhan nde saha Jesucristo, mé á cúú xitoho í. Ta cáhan nde xihín ndo ña cája chúun nde nu ndo sahá ña cúní nde Jesús.

⁶ Jáchi nasahnda Ndióxi chuun ña ná queta ña yéhe tañu ña naá cán. Ta mé a cán quéa nacaja ña ná ndiyehé ínima yo xihín tuhun Ndióxi já quéa ná cuu candehé yo ndá quiahva yéhe nuu Jesucristo, ña náha ndá quiahva cáhnu cúú Ndióxi.

Ndá quiahva cuu canduú tá cándéé iní Jesucristo

⁷ Joo tóco ndihi ña ndáyahvi ña nasahan Ndióxi nu yo yóho cúú á ña ndácaan yiquí cuñu í vatí yiquí cuñu í cúú á tátuhun in quiji ndahyi. Nasahan Ndióxi ña ndáyahvi nu yo já quéa ná cuu cuni ñayivi ña ín ndéé Ndióxi cája tóco ndihi ñaha ta cō cúú á ndéé mí.

⁸ Ta vatí vaxi cuahá tondóhó nu yo joo jáyaha tá jáyaha Ndióxi mí. Ta vatí ndicani ndivaha iní joo cō jándihi nahá yo mí.

⁹ Ta vatí ndícuíta ñee na mí joo cō jándacoo ndáha toho Ndióxi mí. Ta vatí jándicava na mí joo cō jándihi na sahá yo chí uun.

¹⁰ Ta ndá nacuu nu xíca nuu í a íhvi toho cahní na mí tá quiahva nacaja na xihín Jesús. Ta xihín ña ndóho yiquí cuñu í náha ña tácu yii va Jesucristo ta ín a xoho.

¹¹ Jáchi ndijáá ní quivi ndúcú na cahní na mí sahá Jesucristo. Joo xihín ña yóho núná nu yo jánaha í nuú ñayivi ña ndácaan ndéé mé á ini yiquí cuñu í nani ndúú ñuyíví yóho.

12 Ta sahá ña xíca nuu nde cáhan nde tuhun Ndióxi xihín ndo sahá ña cán quéa ndúcú na cahní na ndehe. Joo sahá ña ndóho ini nde yóho cuu cacu ndaa ínima ndóhó anda ama cáa quivi.

13 Jáchi já cáchi tuhun Ndióxi: “Sahá ña nacandeeé ini i Ndióxi sahá ña cán quéa nacahan i cuénta mé á.” Ta quiahva já cája ri ndehe va sahá ña cándeeé ini nde Ndióxi. Ña cán quéa co yíhvi nde cahan nde saha mé á nuú ñayivi.

14 Jáchi cándaá cáxi ini nde ña tá quiahva najánditacu Ndióxi Jesucristo, xitoho í quiahva já jánditacu a mí coo í xihín mé á. Ta já ndóhó xihín ndehe xinu coo í nu ín mé á.

15 Nasacu ini Ndióxi ndoho ini nde tóco ndihi ña yóho saha mé ndó. Ña cán quéa tá ná caja Ndióxi cuahá ñamaní xihín cuaha chága ñayivi já nduu cuahá na ndiquiahva ndixahvi nu á ña ná ndicáhnú mé á.

16 Sahá ña cán quéa co cáta iní xihín ña ndóho í vatí sa cáyatá yiquí cuñu í. Joo ndíyúta iní in in quivi yáha.

17 Cama chá yáha tóco ndihi ña válí ndóho iní ñuyiví yóho joo tá nandihí nandoho iní já vaxi cuahá ndivaha ña náhnú chága cuénta mé á nu yo ta anda ama cáa quivi a ndíhi sahá.

18 Ta co ndítahan nu yo quehé cuénta sahá ña sándehé yó viti. Ña ndítahan caja í quéa cahvi iní sahá ña a cuú cuní xihín nuu yo. Jáchi vaxi quivi ndihi saha tóco ndihi ña sándehé yo viti joo ña a cuú cuní coo a anda ama cáa quivi.

5

1 Jáchi sa cándaá iní ña cuú yiquí cuñu í tátuhun

vehe nu ndácaan ínimá yó. Mé vehe nu ndácaan ínimá yó yóho cúú á ña vaxi quiví ndihi sahá. Ta anda javí nasacu ini Ndióxi quiahva nu yó inga yiquí cuñu nuú coo ínimá yó indiví. Ta mé nuú coo ínimá yó cán a ndíhi sahá anda ama cáa quiví jáchi nacavaha Ndióxi ña.

² Nani ndácaan ínimá yó yiquí cuñu í yóho já ndóho iní ta tána í jáchi xíca quí iní ndiquehé inga tucu yiquí cuñu saá cuéntá indiví.

³ Jáchi jácandixi Ndióxi mí xihín yiquí cuñu saá cuéntá indiví já ná a cácuú tátuhun na coó jáhma.

⁴ Jáchi nani ndácaan ínimá yó ini yiquí cuñu í yóho tána í ta táhnda iní vatí co cúú á sahá ña cúní yó jándacoo í yiquí cuñu í. Cúú á sahá ña ndiáva cáhnu iní coo ínimá yó ini in yiquí cuñu saá. Anda javí jándacoo í yiquí cuñu í ña ndíhí saha ta ndiquehé yiquí cuñu saá ña cuu cañehé anda ama cáa quiví.

⁵ Jáchi mé Ndióxi quéa nasacu tiahva mí ndiquehé in yiquí cuñu saá jáchi mé á quéa nasahan ínimá yí á nu yó já ná candaá vaha iní ndá quiahva in ña sácú ini Ndióxi quiahva nu yó chí nu.

⁶ Sahá ña cán quéa in ndeé iní jáchi cándaá iní ña nani ndácaan ínimá yó yiquí cuñu í yóho ndúu xíca yó nu Jesucristo, xitoho í.

⁷ Ta vatí co xíní yó mé á joo xíca í íchi cuéntá mé á sahá ña cándéé iní mé á.

⁸ Ta co yíhví ga yó quiví viti jáchi cúní chága í jándacoo í yiquí cuñu í yóho já ná cuu cohó coo í xihín Jesucristo, xitoho í indiví.

⁹ Sahá ña cán quéa ní tiempo ndúcú yó caja í ña táhán ini mé á xihín. Vatí tácu yó á naxihí yó cúní tá cúní yó cája í ña táhán ini mé á xihín.

10 Jáchì vaxì quivì tá ná ndique táhan ndihí candita í nuú Jesucristo ndiquiahva tá in tá in í cuéntá nu mé á sahá ña ñacaja í xihín yiquí cuñu í ñuyíví yóho, á cúú á ña vaha á cúú á ña núu.

Nandique táhan máni yó xihín Ndióxi sahá ña ñacaja Jesucristo

11 Cája cáhnu í Jesucristo xihín ndinuhu iní ta cándaá iní ña vaxì quiví cohó candita í nu mé á. Sahá ña cán quéa ndíhi ini nde jácahan nde ñayivi ña ná ndicó coo ini na. Ta xini vaha Ndióxi ña cája nde ta cúni nde ña ná candaá ini ri mé va ndó ña.

12 Ña cáhan nde yóho co cúú á sahá ña cúni tucu nde ndiñehe jícó nde mé nde. Ña cúni nde quéa ná coo vaha ini ndó xihín ña cája nde já ná cuu nducú ñehe ndó tuhun nuú na xíca ndiñehe jícó mé, na xíca cáhan lánda ta coó ña vaha quíxi ínimá ná.

13 Vatí cúú nde na tachì nuú ñayivi joo cúú á sahá ña cája nde chuun Ndióxi. Ta tá co cúú nde na tachì já quéa cúú á sahá ña vaha mé ndó.

14 Ta sahá ña quíhvi ini Jesucristo ndehe sahá ña cán quéa ndúsa cája nde ña cúni mé á. Jáchì cándaá cáxí ini nde ña naxihì Jesucristo saha tóco ndihi ñayivi ta in nanduú xihín Jesucristo tá naxihì a.

15 Naxihì Jesucristo saha tóco ndihí ña ná a catacú ga í saha mé cuití yo. Joo cúni a ña ná catacú saha mé a naxihì saha yo ta tá nandihì nanditacu tucu a.

16 Sahá ña cán quéa co sándehe ndaa ga nde ñayivi tá quiahva cája ñayivi ñuyíví. Vatí ñacahan núu nde saha Jesucristo sanahá joo co cája ga nde já viti.

17 Jáchi tá in nanduú xihín Jesucristo já nanduú tátuhun ñayivi saá. Ña cán quéa nandihí sahá ña yatá ta nanduú ñayivi saá ñacaja Ndióxi.

18 Ta tóco ndihí ña yóho cúu á ña cája Ndióxi jáchi najándique táhan máni á mí xihín mé á sahá ña ñacaja Jesucristo. Ta najándacoo a chuun yóho nuú nde ña ná jándique táhan máni nde tóco ndihí ñayivi xihín mé á.

19 Ta ñasahan ñamaní nuú ñayivi ndique táhan máni ná xihín á sahá ña ñacaja Jesucristo. Ta coó ñaquehe Ndióxi cuéntá sahá cuachi ñacaja na. Ta ña yóho cúu chuun ñatahnda nuú nde ñacaja Ndióxi ña ná caxi tuhun nde nuú ñayivi ña cúní mé á ndique táhan máni á xihín ná.

20 Mé nde cúu nde ña ñachindahá Jesucristo ta xíca nde cáhan nde saha mé á. Ta viti cúu á tátuhun xíca tahví Ndióxi nu ndo tá cáhan mé nde. Ta viti xíca tahví nde nu ndó saha Jesucristo ña ná ndique táhan máni ndó xihín mé á.

21 Mé Jesucristo coó ñacaja ni in cuachi joo sahá mí ñacaja Ndióxi ña ná ndoho Jesucristo tátuhun in ña ñacaja cuachi. Ta sahá ña ñacaja mé á co quéhe ga Ndióxi cuéntá sahá cuachi ñacaja í ta nanduú ñayivi ndaa nu mé á tátuhun cúní mé á.

6

1 Ta sahá ña in cúu ndó xihín nde cája chúun yó cuéntá Ndióxi sahá ña cán quéa xíca tahví nde nu ndo ña ná a quéhe núu ndó ñamaní cája Ndióxi xihín ndo.

2 Jáchi já cáchí tuhun Ndióxi já:
Tá ñatandaa tiempo cajú i ñamaní xuhun já ñaxini joho i nuú ñacahun.

Ta tá naxinu quivi jácacu u yohó já nachindeé e yohó, cáchí tuhun Ndióxi.

Candehé vaha ndó. Viti ñúhú cúni Ndióxi caja cuahá ñamaní xihin ndo. Ta viti ñúhú cúni a jácacu a ndohó.

³ Ta ni in túhún ña núu co cája nde já ná a cáhan núu ñayivi sahá chuun cája nde.

⁴ Ña cája nde quéa jánaha nde nuú ñayivi ní tiempo ña cúu nde na cája chúun cuéntá Ndióxi. Jáchi sahan ndeé ini nde tá ndóho ini nde. Ta tá ndímaní ñaha nuú nde ta tá vaxi tondóhó nuú nde co ndíhi ini nde.

⁵ Jáchi nacani na ndehé ta nataán ná ndehé vecaa ta ndívaa na xoo nde. Ta a juú quiahva najácaja chúun na ndehé ta java tañu co quíji nde ta java tañu vaxi joco nuú nde.

⁶ Joo jánaha nde nuú ñayivi ña cúu nde ñayivi cuéntá Ndióxi jáchi ndúu víi nde ta cándaá ini nde ña ndaa ta ín cáhnu ini nde xihín ñayivi ta cúu nde na vaha ini. Ta sahá ña ndácaan ínimá yíi Ndióxi ini nde ta sahá ña quíhvi ini ndusa nde ndohó

⁷ ta sahá ña cáhan nde ña ndaa xihin ndeé nasahan mé á nuú nde sahá ña cán jánaha nde nuú ñayivi ña cája chúun nde cuéntá mé á. Ta sahá ña cúu nde ñayivi ndaa nu Ndióxi sahá ña cán quéa quíhvi nuu nde cáni táhan nde xihin rí quini tá cúni rí caja xíxi rí xihín nde.

⁸ Java tañu cája cáhnu ñayivi ndehé ta java tañu cáhan ihvi na xihín nde. Java tañu cáhan vaha na sahá nde ta java tañu cáhan núu na sahá nde. Ta java tañu tá quiahva cája na xihin na tuhún quiahva já cája na xihin nde vatí cáhan nde ña ndaa.

9 Ta java tañu cája na tátuhun co xini na ndehe vatí xini vaha na ndehe. Ta mé a ndaa cúu nde tátuhun na sa xihí vatí tácu yí va nde. Cája xíxi na xihín nde joo co sáhní na ndehe.

10 Ta java tañu ndúu cuéha ini nde joo níi tiempo cájii ini nde. Ta java tañu cándáhví ndivaha nde joo já cuahá ndivaha na cúu ná tátuhun na cuicá viti jáchi naçaxi tuhun nde tuhun Ndióxi nu ná. Ta ndaa nde tátuhun na coó ñaha nu joo ín ndihi ñaha cuénta Ndióxi nuú nde.

11 Ñani mí i, na ndúu ñuu Corinto jan. Tá cáhan nde xihín ndo co chíjehé tuhun nde nu ndo jáchi quíhvi ini nde ndohó xihín ndinuhu ini nde.

12 Vatí co quíhvi ini ndo ndehe tá quiahva quíhvi ini nde ndohó joo co jándacoo nde ña quíhvi ini nde ndohó.

13 Sahá ña cán quéa xíca tahví i nu ndo tá quiahva cája in daña tá xíca tahví da nuú jahyi da. Ña cúni quéa ña ná quíhvi vaha ini ndo yehe tá quiahva quíhvi ndivaha ini i ndohó.

Co ndítahan quíhvi nuu na cúu cuénta Jesús xihín ñayivi cuénta ñuyívi

14 Cuénta coo ndó ná a ndíque táhan ndó xihín na co cúu cuénta Jesús jáchi coó in cúu na xihín ndo. Jáchi ndaja cuu ndique táhan ña vaha xihín ña núu. Ta ndaja cuu ndique táhan ña yehe xihín ña naá. Ni in ña yóho a cúu coo já.

15 Ta ama cuéhe Jesucristo coo a xihín Satanás, mé rí quini. Ta quiahva já ama ná cuu ndique táhan in na ndíco íchi cuénta Jesús xihín in na co cúu cuénta mé á.

16 Ta ama ná cuu cachi ndó ña in cuu nu cája cáhnu na Ndióxi xihín nu cája cáhnu na yoco. Jáchi mí cúu yó tátuhun veñuhu Ndióxi, mé á tácu indiví. Ta já ñacachi a já:

Ndacaan i ínima na cúu cuéntá mé i ta caca nuu i xihín ná.

Yehe cacuu u Ndióxi ña caja cáhnu na, ta mé ná cacuu na ñayivi, na cacomí i cuéntá saha, cáchí Ndióxi.

17 Sahá ña cán queá já ñacachi Ndióxi, xitoho í já xihín ná:

Tavá ndo mé ndó tañu ñayivi quini jan.

Caxoo ndó nu ná ta a cája ndó ña núu ña cája na já ná cuu ndiquehe vaha i ndohó.

18 Ta já yehe cacuu u tátá ndo, ta mé ndó cacuu jahyi ta i xihín jahyi jíhí i, cáchí Ndióxi, mé a cúu cája tóco ndihi ñaha.

7

1 Candehé ndó ñani máni, na cúu cuéntá Jesús. Ña yóho cúu tuhun nasahan Ndióxi nu yo. Sahá ña cán queá co ndítahan nu yo caja í in ña núu ña cuu jácaquini yiquí cuñu í á ínima yo. Ña ndítahan caja í queá cayihví yo Ndióxi ta cacu iní ndaja vií yo mí já ndiquiahva í mí ndáha mé á.

Cáji ini Pablo jáchi nandicó coo ini na ndúu ñuu Corinto

2 Xíca tahví nde nu ndo ña ná a cáji nuu ga ndó nu ínima ndo ta ná quihví ini ndó ndehe. Jáchi ni in ndó coo ñacaja xíxi nde xihín ta ni in ndó coo najátiví nde ta ni in ndó coo najándahvi nde.

3 Co cáhan i ña yóho xihín ndo sahá ña cúni candehé ndaa i ndohó, vaha. Jáchi janda jihna va

naçachi i xihin ndo ña ñúhu ndó ínima i. Ta vaaha ri catacu u ta vaaha ri quivi i joo quihvi ini tá quihvi ini i ndohó.

⁴ Mé a ndaa cándéé cáhnu ndivaha ini i ndohó ta cájii ini i xihín ña cája ndó. Ta tá ndícuhun ini i saha ndo já ndíndacú ini i ta ndícutú ndaa ini i xihín ña cájii ini i vatí ndóho ini i.

⁵ Janda naní naxinu nde estado Macedonia chí a cuú canduu vaaha nde jáchi ndáchí naçuu ndáca náha tondóho nuú nde. Jáchi ndijaá quixi ñaha jáquihvi ndehe janda quiahva yíhvi nde ndúu nde yóho.

⁶ Joo sahan Ndióxi tuhun ndeé ini ñayivi ndúu cuéha ini. Ña cán quéa nasahan tuhun ndeé ini nde jáchi naxinu Tito nu ndúu nde yóho.

⁷ Ta a juú sahá ña naxinu da yóho cuití va, vaaha. Nandihvi tuhun ndeé ini nde jáchi naçajii ndivaha ini mé dá naçaja ndóho. Ta nandicani da nuú nde ña xíca ndivaha ini ndó cuni ndó ndehe ta anda quiahva táhnda ini ndó sahá nde. Ta naçachi da xihín i ndá quiahva ndícani ini ndó sahá i ta xihín ña yóho naçajii chága ví ini i.

⁸ Vatí naçacuéha ini ndó xihín carta naçahyí i nu ndo joo viti co táhnda toho ini i ña naçindahá i ña nu ndo. Vatí naçahnda ini i tá naxini i ña naçacuéha ini ndó tixi chá tiempo

⁹ Joo cájii ini i viti. Co cúu á sahá ña naçaja cuéha carta cán ndohó. Cájii ini i jáchi tóco ndihi ña naçaja cuéha ini ndó cán nanducú ñehe a ndohó nu Ndióxi. Mé ndó naçaja ndeé ini ndó tá quiahva cuni Ndióxi. Sahá ña cán quéa cánda ini nde ña coo naçaja núu nde xihín ndo.

10 Jáchí tá cácuéha iní ta tá cája ndeé iní tá quiahva cúní Ndióxi caja í já quéa chindeé a mí ndicó cõo iní. Ta xihín ña yóho jácacu a mí ta cõo ñaha ndítahan tahnda iní saha. Joo tá cácuéha ini ñayivi ñuyíví cõ ndicó cõo ini na sahá ña cán quéa ndihi saha ná indayá.

11 Cándehé ndó ndaja nacaja ndeé ini ndó tá nacacuéha ini ndó tá quiahva cúní Ndióxi. Joo tá cõo ña yóho ná yaha ta a jándacoo toho ndó cuachi nasacaja ndó, nduu. Joo viti a juú quiahva naxojo ini ndó saha mé cuachi ta nayihví ndo sahá. Ta tá nandihí já naxica ini ndó cuni ndó yehe ña ná chindeé e ndohó. Ta anda já nasahiin tiahva ndó jándoho ndó ini da nacaja cuachi cán. Ta xihín ña yóho náha ña cõ táhan ini ndó xihín cuachi nacaja da cán.

12 Ña cán quéa tá nacahyí i carta cán nu ndo cõo nacaja i ña sahá da nacaja cuachi cán. Ta ni cõo nacaja i ña sahá ñayivi nandoho ini sahá cuachi nacaja da. Nacahyí i ña jáchi xihín ña yóho cuu jánaha ndó nu Ndióxi ndá quiahva quihví ini ndó ndehe.

13 Ta ña yóho quéa sahan tuhun ndeé ini nde.

Joo nandindeé chága ví ini nde ta nacajii iní nde tá naxini nde ña cájii ini Tito. Jáchí mé ndó nachindeé ndó da ña ná ndivaha ini da.

14 Jáchí mí i sa nacachi i xihín Tito ña cájii ini i xihín ña cája ndó ta cõo nacandoo núu i nu Tito xihín ña nacachi i xihín dá saha ndo. Joho nacandoo vaha johó i nu dá jáchi tá quiahva cáhan nde ña ndaa xihín ndo quiahva já nacahan ndaa nde xihín mé dá. Ta ña cáchí nde quéa cájii ini nde xihín ña cája ndó.

15 Ta cásahá quíhvi ini chága da ndohó tá ndícuḥun ini da ña nacaḥa ndó ña cúní mé dá. Ta naḥahin toní ñúhú ndó xihín dá ta nandiquehe ndó da xihín ndinuhu ini ndó.

16 Ta cájii ndivaha ini i jáchi cuu candeé ini i ndohó sahá ña cája vaha ndó.

8

Játaca na jiuḥún quiahva na nuú na ndahví

1 Ta viti cúní nde ndicani nde nu ndóhó, ñani i ndá quiahva cája Ndióxi ñamaní xihín na cúu cuéntá Jesús ndúu estado Macedonia.

2 Vatí a juú quiahva cuahá tondóhó quíxi nu ná joo cájii tá cájii ndivaha ini na. Ta vatí cúu ná ñayivi cándahví ndivaha joo ín vaha ndivaha ini na jóco ná jiuḥún tátuhun na cuicá.

3 Cáhan ndaa i nu ndo ña cájii ini na jásá na ña ín nu ná ta janda java na coó cuahá nu ná sáhdá java na ña.

4 Ta xihín ndinuhu ini na naxica tahví na nuú nde ña ná quiahva nde ñamaní nu ná ñehe táhvi ná chindeé na na cúu cuéntá Jesús ndúu Jerusalén.

5 Chí nayaha quiahva najasá na ñaha na chí coó nacaḥán nde caha na já. Jáchi jihna ñúhú nandiquiahva na mé ná ndáha Ndióxi, xitoho i ña ná caha na ña cúní mé á. Anda já nandiquiahva na mé ná ndáha mé nde ná chindeé na ndehe.

6 Sahá ña cán quea naxica tahví nde nu Tito ña ná saa tucu da nu ndó jan já ná jáxinu coo da nuú chuun nacasahá cája da jihna ña játaca da ña jóco maní uun ndó.

7 Jáchi mé ndó yójó joho ndó nu ndíhi ña cája ndó. Yójó ndó xihín ña candeé ini ndó Ndióxi. Ta

yójó ndó xihín tuhun cáhan ndo cuéntá Ndióxi. Ta yójó ndó xihín ña xini ndo. Ta yójó ndó xihín ña ndíhi ini ndó cája ndó ña vaha xihín ñayivi. Ta quiahva já yójó ndó xihín ña quíhvi ini ndó ndehe. Ta quiahva já ndítahan cayojó ndo nuú ña jásá ndo nuú na ndahví.

⁸ Ña cáhan i xihin ndo yóho co cúu á in chuun sáhdá i nu ndo. Ña cúni quéa ná candaá ini ndó ndá quiahva chindeé na cán ñayivi xihín ndinuhu ini na. Ta tá cája ndó tá quiahva cája na cán já quéa jánaha ndó ña mé a ndaa quíhvi ini ndó ñayivi.

⁹ Jáchi sa candaá vaha ini ndó ña natahvi ini Jesucristo, xitoho í saha yo. Ta vatí nasacomí a tóco ndihi ñaha joo najándacoo a ña ta nandaja ndahví a mé á ña ná cuu ndu ndó tátuhun na cuícá ndivaha. Ta nacaja mé á ña yóho jáchi quíhvi ndivaha ini a ndohó.

¹⁰ Cája i cuéntá ña vaha chága ná jáxinu coo ndó ña nacasáhá cája ndó ava. Jáchi jihna ñúhú mé ndó nacasáhá ndó játaca ndó jihún jan ta nacaja ndó ña xihín ndinuhu ini ndó.

¹¹ Candehé ndo. Xíni ñúhú jáxinu coo ndó ña nacasáhá cája ndó jan. Ta ná caja ndó ña xihín ndinuhu ini ndó tá quiahva nacaja ndó janda tá mé saha. Ta xíni ñúhú quiahva ndó ña cuu jásá ndo

¹² jáchi ndá na cúni jásá ñaha já ndíquehe vaha Ndióxi ndá ña cuu jásá na. Saha ña cán quéa xíni ñúhú quiahva ndó ña cuu quiahva ndó jáchi co xíca Ndióxi nu yo quiahva í ña co cómi yo.

¹³ A cáhan ndo ña co ndítahan nuú na cán caja chúun na nani cája chúun mé ndó ña ná chindeé ndó na.

14 Ña cún̄i Ndióxi quēa ná a ndíman̄i ni in ñaha nu táhan ndó. Jáchi ña ndíman̄i nuú na cán, ín cuahá nu ndóhó viti ña ná cuu chindeé ndó na. Joo inga tañu ña ndíman̄i nu ndóhó, coo a nuú na cán ta já cuu chindeé na cán ndohó. Ta quiahva já canduu in nuú xih̄in táhan ndó.

15 Já cáchi tuhun Ndióxi já: “Ni coó nacayojó a nuú na najátaca cuahá. Ta ni coó nandiman̄i á nuú na najátaca chá ña.”

Tito xih̄in na xica xih̄in dá

16 Ndiquiahva i ndixahvi nu Ndióxi jáchi nacaja mé á ña ná ndíhi ini Tito saha ndo tá quiahva ndíhi ini mí i saha ndo.

17 Jáchi nacandúsa da caja da ña nasahnda i nu dá. Ta sa ndícani ini ri mé dá saha ndo ta sahá ña cán quēa cún̄i da coto nihni da ndohó cuéntá mé dá viti.

18 Ta chindahá i in dataa, da cúu cuéntá Jesús saa da xih̄in Tito jan. Ta tóco ndíhi ñayivi ndúu java ga veñuhu cáhan vaha na sahá da cán ta sahá ña cája chúun vaha da cáxi tuhun da tuhun vaha saha Jesús nuú ñayivi.

19 Ta mé na cúu cuéntá Jesús, na táca ndijáa veñuhu yóho nandacaxi na da ña ná caca da xih̄in nde cañehe nde jjuhún cuhun nde ñuu Jerusalén. Ta tá cája nde ñaman̄i xih̄in ñayivi cán já quēa jánaha nde ña mé a ndaa táhyí cún̄i nde chindeé nde na. Ta xih̄in ña yóho cája cáhnu nde Ndióxi.

20 Jáchi co cún̄i nde ña ná cahan núu ñayivi sahá ña cája nde xih̄in jjuhún cuaha cán, ña najátaca ndó.

21 Sahá ña cán quēa ndíhi ini nde cája nde ña vaha. Ta a juú nu Ndióxi cuití va ndíhi ini nde cája

nde ña vaha jáchi cúni nde caja nde ña vaha nuú ñayivi viti.

²² Ta xihín mé ñaní, da chindahá i nu ndó jan chindahá i inga tucu da cúu cuéntá Jesús. Mé da yóho cuahá ndivaha tañu nanaha da ña ín ini da caja da ña vaha xihín ñayivi. Ta viti xíca chága ini da caja da ña jáchi cándeé ini da ña a jándacoo núu ndó da.

²³ Ta ndá na ná ndaca tuhún ndohó saha Tito ndítahan cahan ndó xihín ná ña cúu dá da xíca xihín mí i. Ta cahan ndó ña in nuú cája chúun da xihín i chindeé nde ndohó. Ta tá ná ndaca tuhún na ndohó sahá java ga na cúu cuéntá Jesús cuahan xihín dá ndítahan cahan ndó ña cúu ná na nachindahá na cúu cuéntá Jesús táca veñuhu chóho. Ta cahan ndó xihín ná ña cúu ná na cája cáhnu Jesucristo.

²⁴ Ta xíní ñúhú jánaha ndó nuú na cán ña mé a ndaa táhyí quíhvi ini ndó na já ná candaa ini na táca veñuhu cán ña ín sahá nde cáji ini nde xihín ndo.

9

Sa nataca jiuhún cuhun nuú na cúu cuéntá Jesús

¹ Co xíní ñúhú cahyí chága i nu ndo sahá jiuhún ña játacá ndó chindeé ndó na cúu cuéntá Jesús ñuu Jerusalén.

² Jáchi sa xíní vi ña ín vaha ini ndó caja ndó ña. Ta ndivaha ini i tá cáxi tuhun i nuú na ndúu estado Macedonia ña mé ndó, na ndúu estado Acaya jan nasacu ini ndó chindeé ndó ñayivi janda ava. Ta cuahá na ndúu estado Macedonia nandindeé ini na chindeé na ñayivi sahá ña vaha ini mé ndó.

³ Joo chindahá i na cúu cuéntá Jesús yóho nu ndo já quéa ná a cándoo núu i jáchi nacahan vaha i saha ndo nuú na yóho. Ta ña cúni quéa ña ná coo tiahva ndó ndiquiahva ndó jiuhún ña najátaca ndó jan tá quiahva nacachi i xihín ná.

⁴ Jáchi tiahva náá java na ndúu estado Macedonia saa na xihín i ta cuni na ña co ndúu tiahva ndó xihín mé jiuhún. Tá ná yaha ña yóho ta já cacahan ndivaha nuú nde caja ndó xihín ña jan sahá ña nasandeé cáhnu ini i ndohó ta sa mé quiahva já cacahan ri nuu ndóhó va.

⁵ Ta saha mé ña jan quéa nacahan i ña xíní ñúhú caca i ñamaní nuú na cúu cuéntá Jesús yóho ña ná cuhun na coto nihni jihna ñúhú na ndohó. Ta já ná chindeé na ndohó nu játaca ndó jiuhún ña nasahan ndó tuhun ndó quiahva ndó jan. Já quéa ná coo tiahva jiuhún cán tá ná saa i ña ná nahá ña sahan ndó jiuhún jan sahá ña ín maní ini ndó ta co sahan ndó ña xihín ña ndúsa.

⁶ Xíní ñúhú ndicuhun ini ndó ña yóho: Da xútu loho, chá va jáquee da. Da xútu cuaha, cuaha jáquee da.

⁷ Tá in tá in ndó xíní ñúhú quiahva ndó tá quiahva nasacu ini ndó quiahva ndó. A quiahva cajíhnda johó ini ndó ñaha ta ni a quiahva ndó ña xihín ña ndúsa. Jáchi quíhvi ini Ndióxi na cájii ini jasá ñaha.

⁸ Ta cuu quiahva Ndióxi cuahá ndivaha nuú ña vaha nu ndó já quéa ná a ndímaní ni in ñaha nu ndo. Jáchi johó cayojó johó a nu ndo já ná cuu chindeé ndó na ndímaní ñaha nuu nani ná cacuu a nuú ña vaha.

⁹ Jáchi já cáhí tuhun Ndióxi já:

Cuaha ndivaha ñaha jása Ndióxi nuú na ndahví,
ta já coo ña vaha cája mé á xihín ñayivi anda ama
cáa quivi, cáhí tuhun Ndióxi.

¹⁰ Jáchi Ndióxi quéa sahan tata nuú in dataa já ná
cutu da ña. Ta mé a cán sahan ña cuxu da viti. Ta
quiahva já caja Ndióxi xihin ndo. Quiahva mé á
ña xini ñuhú ndo já ná cuu chindeé chága ví ndó
ñayivi. Ta já quéa ñehe táhvi ndó canduu vaha ndó
sahá ñamaní cája ndó.

¹¹ Ta já xinu ndó cacomí ndo cuaha ndivaha nuú
ña cuicá ta xihín ña yóho cuu chindeé cuaha ndó
ñayivi xihin á. Ta mé jiuhún jåtaca ndó jan tá
ndiquiahva nde ña nuú na ñuu Jerusalén já quéa
ndiquiahva na cán ndixahvi nu Ndióxi sahá.

¹² Jáchi mé jiuhún jåtaca ndó cán tá ná ndiquiahva
nde ña nuú na cúu cuéntá Jesús cán já quéa chindeé
a na xihín ña ndímaní nu ná. Ta xihín ña yóho
ndiquiahva ndivaha na cán ndixahvi nu Ndióxi.

¹³ Ta já caja cáhnu na Ndióxi jáchi xihín ña cája ndó
yóho náha ña co quéhe núu ndó tuhun vaha cáhan
sahá Jesucristo. Jári caja cáhnu na Ndióxi sahá ña
vaha íin ini ndó xihin ná. Jáchi chindeé ndó na
xihín ña jása ndó nu ná ta chindeé ri ndó java ga
ñayivi.

¹⁴ Ta ndiquiahva na ndixahvi nu Ndióxi saha ndo
jáchi xihín ña cája ndó náha cáxi a ña cája cuaha
Ndióxi ñamaní xihin ñayivi.

¹⁵ Ndixahvi Ndióxi jáchi najasá mé á in ña cáhnu
ndivaha nu yo ta ni co ñehe yó tuhun ndá quiahva
ndicaní ña.

Cáhan Pablo saha mé dá

¹ Yehe cúu Pablo ta cúni caça i ñamaní nu ndo. Joo cúni cahan víi i ña nu ndo tá quiahva cáhan víi Jesucristo xoho. Ndúu java na tañu ndó ta cáchí na ña tá íin i tañu ndóhó já cúu u in ta uun ini. Joo cáchí na tá íin xícá i já cúu u da co yíhvi cahan ndacú xihín ndo.

² Ta víti xícá tahví i nu ndo ña ná a cája ndó ni in ñaha ña cuu jánani i ndohó saha. Tá ná saa i coto nihni i ndohó jan co cúni jánani i java ndó, na jácojo cuachi jatá nde, na cáchí ña cája nde tóco ndihi ñaha tá quiahva cája ñayivi ñuyíví. Jáchí mé a ndaa sácú ini i saa i quihvi táhan i xihín na jan.

³ Vatí cúu yó ñayivi ndúu ñuyíví joo co cája nde tá quiahva cája ñayivi ñuyíví.

⁴ Jáchí ña chíndeé ndehe co cúu á ña chíndeé ñayivi ñuyíví. Joo ña chíndeé ndehe cúu ndeé Ndióxi ña sahan mé á nuú nde já ná cuu jándihi nde sahá ña cája tiñáhá sacuaaha.

⁵ Ta quiahva já jándihi nde sahá ña cája ihvi xihín Ndióxi ta xihín ndeé mé á jándihi nde sahá ña cáhan ñayivi, na cája cáhnu mé jáchí co xíni na Ndióxi. Ta tóco ndihi ña cáhvi ini nde ndíquiahva nde ña ndáha mé á já ná caja nde tóco ndihi ña cúni Jesucristo.

⁶ Ña cán quéa tá ná ñaha ña íin tiahva ndó caja ndó tóco ndihi ña nasahnda nde nu ndó já quéa cacu ini nde jánani nde ndá na nacuu, na co cúni caja ña sáhná Jesucristo.

⁷ Mé ndó co xíni ndó ndá quiahva cáa ínima ñayivi jáchí sándehe ndó ña cáa chí jata cuití va. Joo tá mé a ndaa táhyí cáhán java ndó ña cómi Jesucristo cuéntá saha ndo xíni ñúhú quehe ndó cuéntá ña cúu ri ndehe va na cómi Jesucristo cuéntá saha.

8 Co cáchan nuú i caja cáhnu loho i mí i sahá chuun nasahan Ndióxi nuú i. Jáchí nacaja mé á ña ná cahnda i chuun nu ndo jáchi mé Jesucristo, xitoho í nasahan chuun nuú i ña ná jácuahnu i ndohó tá quiahva cúni mé á. Ta co cúni a ña ná jándihi i saha ndo.

9 Co cúni ña ná cahán ndo ña jáyihví i ndohó xihin carta chindahá i nu ndo.

10 Ndúu java na ta cáchi na ndacú ndivaha yuhú u cahan i nu carta cáhyí i. Joo tá íin i xihin ndo co náha i ña cúu u da jáyihví ndohó jáchi tá cásahá cahan i xihin ndo co náha i ña cúu u da ndítahan coo toní ñúhú ñayivi xihin.

11 Joo na xíca cahan ña yóho xíní ñúhú candaa ini na ña tá quiahva ndacú yuhú i tá cahan i xihin carta tá íin xíca i quiahva já caja i tá ná xinu coo i tañu ndó jan.

12 Mé a ndaa co sahan i ínima i jácatáhan i mí i xihin na cája cáhnu mé jan. Joo ndíá cáa mé cája na jan tá jácatáhan ndaja táhan mé va na ta xihin ña yóho náha ña tóntó ndivaha cája na.

13 Co cája cáhnu i mí i jáchi co ndítahan nuú i caja i ña. Cáhan cuití va i sahá chuun nasahan Ndióxi nuú i caja i cuénta mé á ta mé á quéa nachindahá yehe saa i anda nu ndúu ndó jan.

14 Co cája cáhnu i mí i tá cahan i sahá chuun nasahan Ndióxi nuú i caja i. Jáchí mé nde cúu nde na nu cuití nasahan nacahan nde tuhun vaha saha Jesucristo nu ndo.

15 Sahá ña cán quéa candaa vaha ini ndó ña co cahan nde sahá chuun najácava sáhá inga na. Ta ni co yáha nde cája cáhnu nde mé nde sahá chuun cája nde yóho. Ña cúni nde quéa ná candeé chága

ini ndó Jesucristo nani caja chúun chága nde tañu ndó tá cúní Ndióxi.

¹⁶ Ta cúní nde cañan nde tuhun vaha saha Jesús nuú ñayivi, na ndúu xicá chága nuú ñuu Corinto ñan. Joo cō cúní nde quihvi nuu nde nuú sa ñacaja chúun inga na já ná a cája lándá nde sahá chuun ñacaja inga na.

¹⁷ Ta já cáchí tuhun Ndióxi já: “Ndá na cúní caja lándá, xíní ñúhú caja lándá na sahá ña náhnu ñacaja Ndióxi xihín ná.”

¹⁸ Jáchi cō táhán ini Ndióxi xihín na ndíñehe jícó mé joo ndíñehe jícó Ndióxi ñayivi tá táhán ini a xihín ña cája na.

11

Cáñan Pablo sahá na cō cúu apóstol

¹ Xicá tahví i nu ndo ña ná a quehe ndó cuénta sahá ña cája i tá ná caja i tátuhun in ña tachí. Caja ndó ñamaní xihín i.

² Ndióxi quéa ñacaja ña ná quihvi ndivaha ini i ndohó sahá ña cán quéa cō cúní ña ná jándacoo ndó íchi cuénta mé á. Cája i tátuhun cája da cuíñú jáchi ñasacu ini i ndiquiahva víi i ndohó ndáha Jesucristo tátuhun cája in ñataa ndiquiahva da jahyi jíhí da, ña cúu ña tacú ndinuhu nuú da cacuu yí ña.

³ Á cō ndícuhun ini ndó ndaja ñacaja tiñáhá sacuahá tá najándahvi rí ña naní Eva sanahá. Ta viti yíhví i ña ná jándahvi java ñayivi ndohó tá quiahva najándahvi rí mé ña. Jáchi viti cándéé ini ndó Jesús ta cája cáhnu ndó mé á xihín ndinuhu ini ndó. Joo yíhví i jándacoo ndó ña ñan.

⁴ Jáchí mé ndó sáhan ndó ñamaní ña ná saa ndá ñayivi nacuu va vatí jánaha na ña tuhún saha Jesucristo. Co jánaha na ndohó tá quiahva najánaha mé nde nu ndo jáchí jíin va cáhan na saha ínima yii Ndióxi ta jíin va cáchí na jácacu Ndióxi ñayivi. Joo nandiquehe vaha ndó na.

⁵ Ta cáhán ndo ña cúú ná na apóstol, na náhnu ndivaha joo xíni vaha i ña co cúú ná na vaha chága a juú ga yehe.

⁶ Vatí co tiahva i cahan vii i joo íin vaha xini túni i jánaha i tuhun Ndióxi nu ndo. Ta xíni vaha ndó ña yóho jáchí cuahá tañu najánaha vaha i tuhun Ndióxi nu ndo.

⁷ Java tañu cáhán i ña coó nacaja vaha i jáchí coó naquehe e yahvi nu ndo tá nacahan i tuhun Ndióxi xihín ndo. Ta java tañu cáhán i ña coó nacaja vaha i tá najánuu i mí i já ná cuu ndindita jícó ndohó.

⁸ Mé a ndaa cúú á tátuhun nacandaa joho i jiihún nuú java na cúú cuéntá Jesús ta naquehe e yahvi i nuú na cán ña ná quixi i caja chúun i tañu mé ndo.

⁹ Ta tá naxini ñúhú i in ñaha tá nasahiin tañu ndó jan coó najáquihvi toho i ndohó sahá ña naxini ñúhú i. Jáchí mé na cúú cuéntá Jesús, na naquixi Macedonia nasahan na nuú i ña naxini ñúhú i catacu u. Mí i coó naxeen toho i jáquihvi i ndohó. Ta a cája toho i ña viti.

¹⁰ Cáhan i ña ndaa xihín ndo jáchí íin Jesucristo xihín i. Ta ni in ñaha a cájí nuu toho nuú i cahan i ña yóho nuú na ndúu estado Acaya.

¹¹ Coto a cáhán ndo ña co quihvi ini i ndohó sahá ña cáhan i quiahva já xihín ndo. Jáchí xíni vaha Ndióxi ña quihvi ndivaha ini i ndohó.

12 Joo a jándacoo toho i caja i ña cája i yóho já ná a quiahva i ñamaní nuú na cán ndíñehe jícó na mé ná. Jáchi cáchi na cája chúun na cuénta Ndióxi tá quiahva cája ndehe. Joo co cúu á ña ndaa.

13 Mé a ndaa co cúu toho na jan apóstol cuénta Jesucristo vatí ndája na mé ná tátuhun apóstol. Ta jándahvi na ñayivi tá cáchi na ña cúu ná na apóstol.

14 Joo co nditahan catóntó yo sahá ña yóho jáchi janda Satanás, mé tiñáhá sacuahá ndája rí mé rí tátuhun in tátō Ndióxi, ña yéhe ndivaha.

15 Ta jári na ndíco jata rí cán co yáncá toho na ndája na mé ná tátuhun ñayivi cája ña vaha. Joo vaxi quiví ndiquehe na yahvi sahá ñaha nacaja na.

Ndóho ini Pablo sahá ña cúu dá apóstol

16 Ta ná cahan tucu u ña yóho xihin ndo: coto a cáhán ndo ña cúu u da nacatachi. Joo tá cáhán ndo ña cúu u da nacatachi i quiahva loho ndó ñamaní nuú i ña ná cahan i xihin ndó tátuhun in da tachi já ná cuu ndíñehe jícó loho i mí i.

17 Tá cahan lándā i yóho co cúu á tuhun nasahan Ndióxi nuú i. Cáhan i ña tátuhun in da nacatachi cuití va.

18 Ta sahá ña ndúu cuahá na cátóo ndíñehe jícó mé sahá ña cája na ñuyiví yóho sahá ña cán quéa ná caja ri yéhe va quiahva já.

19 Mé ndó cáhán ndo cúu ndó ñayivi ndíchí ndivaha jini joo cáji ini ndó táa johō ndó nu cahan ñayivi tachi cán xihin ndo.

20 Ta ni co sáhní ndo mé ndó tá cája ndúsa na cán xihin ndo caja ndíví ndó nu ná vatí quéhe na ñaha cómí ndo. Ta jándahvi na ndohó ta quéhe núu na ndohó janda cáni na jahnda nuu ndo.

21 Á cáhan ndo ña ndítahan cacahan nuú i sahá ña coó nasahan ndeé toho ini nde caja nde tá quiahva cája na jan xihin ndo.

Joo tá co sáhní na jan mé ná cája lándá na, caja ri yehe va já vatí cáhan i ña yóho tátuhun in da tachí.

22 Ta tá cáhan lándá na jan ña cúú ná na hebreo, mé a ndaa da hebreo cúú ri yehe va. Ta tá cáhan lándá na jan ña cúú ná na Israel, mé a ndaa da Israel cúú ri yehe va. Ta tá cáhan lándá na jan ña naquixi na chichi Abraham, mé a ndaa da naquixi chichi Abraham cúú ri yehe va.

23 Ta tá cáhan lándá na jan ña cúú ná na cája chúun cuéntá Jesucristo, mé a ndaa yehe cúú da cája chúun chága cuéntá mé á. Vatí cáhan i tátuhun in da tachí joo mé a ndaa cuaha chága cája chúun yehe a juú ga na jan. Cuaha chága tañu nachicaan na yehe vecaa a juú ga na jan. Ta cuaha chága tañu nacaja xixi na xihín yehe a juú ga na jan. Ta cuahá ndivaha tañu sa yáti quivi i a juú ga na jan.

24 Ta uhun tañu najácaxáhan na Israel yehe xihín churú. Ta in tá in táhndá cán najáxinu na churú jatá i oco sahun comi tañu.

25 Ta uní tañu najácaxáhan na yehe xihin vara ta in tañu nacati na nacuun na yuú yehe. Ta sa uní tañu nasaco barco, mé dó cuahan i cán cahá tañuhú. Ta nasanúu i nuú tañuhú in ñuu ta in ndiví.

26 Ta ndóho ndivaha ini i nu xíca nuu i jáchi cuahá tañu ndúcú tani i xihín yuta. Ta janda taa cuíhná a ihvi queta nuú i. Ta naxica iyo i tañu na ñuu i xihín tañu na tóho. Ta tá ín i ñuu náhnu á ín i yucu á ín i tañuhú já vaxi tá vaxi tondóho nuú i. Ta janda tañu na cáhí cúú cuéntá Jesús vatí co cúú

na naquixi tondóhó nuú i.

²⁷ Ta cánaá i cája chúun i janda ndíhivi ndivaha i. Ta cuahá tañu co quíji vaha i. Ta cuahá tañu naquixi joco nuú i ta naquixi ña íchi ini i ticuú ta janda ínima uun i ín i jáchi co ñéhe e ña cuxu u. Ta cuahá tañu ndóho ini i sahá ña vixi xíní i jáchi coó jáhma candixi i.

²⁸ Ta vatí ndóho i ña yóho xihín java ga ñaha joo ndícani tá ndícani ini i saha tóco ndihi na cúu cuéntá Jesús, na táca ndijáa veñuhu.

²⁹ Jáchi tá cuítá ini ñayivi já cúu á tátuhun cuítá ri ini yehe va xihin ná. Ta tá ndícava in na nuú cuachi cája inga na já quéa xójo ndivaha ini i xihín na najándicava ñahá cán.

³⁰ Ta tá ín in ñaha ña cuu cahan lándá i saha já ná cahan lándá i sahá ña náha ña coó cuahá ndée mí i.

³¹ Ta Ndióxi, tátá Jesucristo, xitoho í, mé a ndítahan caja cáhnu í anda ama cáa quivi xini vaha ña cahan i ña ndaa xihin ndo.

³² Jáchi in tañu nasahin i ñuu Damasco ta ndaja coo da cúu gobernador, da nacija chúun nu rey Aretas nasahnda da chuun ña ná chicaji na yéhe ñuu cán já ná cuu tiin na yehe.

³³ Joo java na cúu cuéntá Jesús najánuu na yehe ini in toyicá chí ventana mé corra yuu ndájí ñuu cán já nacuu najáacu na yehe.

12

Ña naxini Pablo nacija Ndióxi

¹ Ni in ñaha co ñéhe e tá ndíñehe jícó i mí i. Joo já ndítahan nuú i ndicani i nu ndo sahá ña naxini i

cuéntá indiví, ña najánaḥa Ndióxi nuú i ta sahá ña naçachi mé á xihín i coo.

² Sa ín uxu comí cuiã nayaha ña yóho. Najándaa Ndióxi yehe, da cándeé ini i Jesucristo nasahan i indiví uní nu ín mé á. Co xini yehe á nandaa yiquí cuñu i xihín i á naçandoo a ñuyiví yóho. In túhún Ndióxi xini.

³ Joo xini vaha i ña yehe cúú da nasahan cán vatí co xini i á nandaa yiquí cuñu i á naçandoo a ñuyiví yóho. Ndióxi cuití va xini.

⁴ Joo xini vaha i ña nasahan i nu ndató ndivaha indiví. Ta mé cán naxini johó i tuhun, ña co ndiñehé e ndaja ndicani i ña nuú ñayivi ta ni co sahan Ndióxi ñamañi nuú i ndicani i ña nu ná.

⁵ Coo ndiñehé jícó i mí i sahá ña naxini i yóho joo a cãja toho i ña. Vaha chága ná cãja lánda i sahá ña coó toho ndée mí i.

⁶ Ta tá ná cacu ini i ndiñehé jícó i mí i já quéa a cacuu toho i da tachi jáchi ña ndaa táhyí cacuu tuhun çahan i. Joo co cãja toho i ña jáchi cuni ña ná çahán ñayivi ña ndaa cuití va sahá i ta sahá ña naçaja i xihín sahá ña naçahan i.

⁷ Ta sahá ña co cuni Ndióxi ña ná cãja cãhnu i mí i sahá ña naxini i sahá ña cán quéa naquixi in ña ndóho i. Cúú á tátuhun in ínũ sa cañee nuú yiquí cuñu i xini i, ña quixi nuú tiñáha saçuaha cãja xixi rí xihín i já ná a cãja cãhnu i mí i.

⁸ Ta sa uní tañu naxica tahví i nu Ndióxi, xitoho i ña ná tavá a ña ndóho i yóho.

⁹ Joo nanducú ñehé mé á tuhun nuú i já naçachi a já: “Sa quiahva cúú mé a quihvi ini i yohó jan va jáchi ña cúú cãja i xihín ñayivi náha cáxi chága tá co ndée ná”, naçachi Ndióxi. Ña cán quéa cáji ini i

cúú u in da cámaní ndée já quéa náha ña xihin ndée Jesucristo cája i tóco ndihi ñaha.

¹⁰ Sahá ña quíhvi ini i Jesucristo, cájii tá cájii ini i tá cávitá ini i, á tá cánahá na xihín i, á tá cámaní ñaha nuú i, á tá ndúcú na yehe ña caja xíxi na xihín i. Jáchi tá cávitá ini i já ndíndacú chága i xihín ndée Ndióxi.

Ndicani ini Pablo sahá na cúú cuéntá Jesús ndúu ñuu Corinto

¹¹ Tá quiahva cája da tachí já cája i joo ndóhó cúú na ñacaja ndúsa xihín i caja i ña. Jáchi mé ndó cúú na ndítahan cahan vaha sahá i, nduu. Joo já coó toho chága sahá na cáhán ndó cúú apóstol jan a juú ga yehe vatí mé a ndaa nu Ndióxi coó saha toho i.

¹² Jáchi xihín ña náhnu ñacaja i nu ndo jan ta xihín ña xitúhún naxini ndó ñacaja i jan najánaaha i nu ndo ña mé a ndaa táhyí cúú u in apóstol. Coó nandihí ini i tá ñacaja i ña xitúhún jan nu ndo.

¹³ Ta tá quiahva ñacaja i xihín java ga na cúú cuéntá Jesús quiahva já ñacaja ri xihín ndóhó va. In túhún ña coó ñacaja i xihín ndó quéa coó najáquihvi toho i ndóhó sahá ña xíní ñúhú i catacu u tá quiahva ñacaja i xihín java ga na cúú cuéntá Jesús. Á cáhán ndo ña vaha chága ná caja ndúsa i xihín ndó quiahva ndó nuú i ña xíní ñúhú i.

¹⁴ Ta viti sa ín tiahva i saa i coto nihni i ndóhó ña chí uní. Ta ni viti a jáquihvi toho i ndóhó jáchi co xíca toho ini i quehe e ña cómí ndo. Ña cúní quéa ná quíhvi ini ndó yehe tá quiahva quíhvi ini i ndóhó. Jáchi mé ndó cúú ndó tátuhun jahyi i sahá ña najánaaha i tuhun Ndióxi nu ndo. Ta ndá ñacuu

na valí cō xíto na tátá na joo mé tátá na cúu na xíto mé na valí.

15 Ta cáji ini i jándihi i tóco ndihi ñaha cómi i já ná chindeé e ndohó. Ta janda ndiquiahva i mí i já ná cacu ndaa ínima ndo. Cája i cuéntá tá quíhvi chága ini i ndohó já cō cúu chága ini ndó xihín i.

16 Mé a ndaa cōo najáquihvi toho i ndohó. Joo ndúu java na tañu ndó ta cáchí na ña ñacaja ndúsa i xihín ndo já najándahvi tá najándahvi i ndohó.

17 Á cáhán ndó ña najándahvi i ndohó tá ñachindahá i java ñayivi nu ndo jan. A juú a já.

18 Jáchi ñaxica tahví i nu Tito ña ná saa da coto nihni da ndohó jan. Ta ñachindahá i inga da cúu cuéntá Jesús xihín dá. Á najándahvi da ndohó, vaaha. Sa xíni vaaha i ña cōo najándahvi da ndohó. Ta tá quiahva cája Tito quiahva já cája ri yehe va jáchi in ínima ñehe nde xihín dá.

19 Á cáhán ndo ña sa ñacasáhá cáhan chíjín tucu nde xihín ndo viti. Cō cúu á já. Jáchi sándehe cáxí Ndióxi ña cáhan nde ña yóho xihín ndo tá quiahva cúni Jesucristo. Ta cája nde tóco ndihi ña yóho jáchi quíhvi ini nde ndohó ta cúni nde ña ná cuahnu chága ndó xihín tuhun Ndióxi.

20 Yíhvi i jáchi tá ná saa i coto nihni i ndohó cō cúni i ndiñehé e ndohó cája ndó ña núu, ña cō cátóo i. Ta sa mé quiahva já yíhvi i ña cuni ndó yehe caja i ña cō cátóo ndo. Yíhvi i jáchi tiaha náa cani táhan ndó, á cahíhvi ini xihín táhan ndó, á cojo ini xihín táhan ndó, á ndacahnda táhan ndó, á cáhan ndó ña tuhún sahá ñani táhan ndó, á candehé ndaa táhan ndó, á ndiñehe jícó ndo mé ndó, á sa jíin sa jíin cája

in in ndó.

²¹ Ta yíhví i ña tá ná saa i coto nihni i ndohó jan caja Ndióxi ña ná cacahan nuú i saha tóco ndihi ña cája ndó jan. Ta yíhví i cuacu u sahá cuahá na cája cuachi, na sa janda jihna nacasáhá cája cuachi ña a ñaha jándacoo na cája na xihín yiquí cuñu na. Ta cuacu u jáchi a ñaha jándacoo na ña ndúu na xihín na co cúu ñájíhí na á yí ná. Ta ni a ñaha jándacoo na tóco ndihi ña núu, ña xíca ini yiquí cuñu na caja.

13

Jáxinu coo Pablo tuhun cáhan da xihín na ñuu Corinto

¹ Ta xihín ña yóho xinu uní táhnda saa i coto nihni i ndohó. Ta xíní ñúhú ndicuhun ini ndó ña sáhnda tuhun Ndióxi chuun nu yo ta cáchí a ña tá ná cahan ivi á uní testigo sahá cuachi nacaja in ñayivi anda jáví candaá ini ndó ña mé a ndaa íin cuachi na.

² Tá quiahva nacahan i xihin ndo tá naxito nihni i ndohó ña chí ivi quiahva já cáhan i xihin ndo viti vatí íin xíca i. Ta tá quiahva nacahan i xihín na nacaja cuachi jihna jan quiahva já cáhan i xihín ndihi ndó viti. Ta tá ná casaa tucu u coto nihni i ndohó jan já quéa a táhnda ga ini i saha ndo sahá cuachi cája ndó.

³ Ta xihín ña yóho candaá ini ndó ña mé a ndaa táhyí cáhan i ña sáhnda Jesucristo cahan i. Cúni ña ná candaá ini ndó ña co cáhan chíjín toho Jesucristo xihin ndo. Ña cája mé á xihin ndo quéa náha nu ndo ña íin ndée mé á cája ña cúni a.

⁴ Mé Jesucristo quéa nacata caa na ndica crúxu tátuhun in da co ndée. Joo viti tácu mé á saha ndée Ndióxi. Ta tá quiahva vitá nasahin yiquí cuñu a

quiahva já vitá ndúu yó viti. Joo sahá ña in nanduú xihín mé á já cuu catacú xihín ndéé a. Ta xihín ña yóho cája chúun nde tañu mé ndó.

⁵ Xíní ñúhú candehé vaha ndó mé ndó á mé a ndaa táhyí cándéé cáhnu ini ndó Ndióxi. Xíní ñúhú coto ndojó ndó mé ndó. Ta tá mé a ndaa táhyí cúu ndó cuéntá Jesús xíní ñúhú ndicuhun ini ndó ña ndácaan Jesucristo ini ínima ndo á tá coó yúhu uun va ndó cúu ndó cuéntá Jesús.

⁶ Ta ndáti i xinu quiví candaa ini ndó ña coó najándahvi nde ndohó.

⁷ Xíca tahví nde nu Ndióxi ña ná a cája ndó ni in ña núu. Ta coó cúu á sahá ña cúní nde cahan vaha ñayivi sahá nde, vaha. Ña cúní nde quea ná a jándacoo ndó caja ndó ña vaha vatí ná cahán ñayivi ña coó nacaja vaha nde xihín ña najánaha nde nu ndo.

⁸ Coó xíní ñúhú nde jánani nde ndohó nani cája ndó ña ndaa joo tá cája ndó ña núu já quea xíní ñúhú jánani nde ndohó.

⁹ Ta cájii ini nde tá ndaa nde tá quiahva ndaa na vitá ini tá cúu á sahá ña ndacú ini mé ndó cuéntá Ndióxi. Ta a jándacoo toho nde caça tahví nde nu Ndióxi saha ndo ña ná xinu coo ndó cacuu ndó ñayivi coó cuachi nu mé á.

¹⁰ Jihna ñúhú cáhyí i carta yóho nu ndo já saa i coto nihni tucu u ndohó. Jáchi tá ná saa i jan coó cúní cahan ihvi nahá i xihín ndo vatí nasahan Ndióxi chuun yóho nuú i. Ta coó nasahan mé á ña nuú i ña ná jándihi i saha ndo. Nasahan mé á chuun yóho nuú i já ná cuu ndaja ndacú u ndohó cuéntá mé á.

¹¹ Candehé ndo, ñani i, na cúu cuéntá Jesús. Xihín tuhun yóho jáxinu coo i tuhun cahan i xihín ndo.

Ná coo Ndióxi xihin ndó. Ta ná ndindacú chága ndó já ná nduu ndó ñayivi ndaa. Ta quiahva tuhun ndée ini táhan ndó. Coo vaha ndó xihín ñani táhan ndó já quéa coo Ndióxi xihin ndo. Mé a cán quíhvī ini a ndohó ta cúni a ña ná coo vaha ini ndó.

¹² Cahan Ndióxi xihin táhan ndó ta tatí yúhu táhan ndó ta yīi caja ndó ña.

¹³ Tóco ndihi na cúu cuéntá Jesús chindahá na Ndióxi coo ndó.

¹⁴ Ná tahvī ini Jesucristo, xitoho í saha ndo jáchī quíhvī ini Ndióxi ndohó. Ta ná coo tuun ínima yīi mé á xihin ndo. Ña yóho quéa cúni ña ná caja Ndióxi xihin ndo. Já ná coo.

**Tuhun saá ña najá^{ndacoo} Jesucristo nu yo: El
Nuevo Testamento en el mixteco de
Silacayoapan
New Testament in Mixtec, Silacayoapan
(MX:mks:Mixtec, Silacayoapan)**

copyright © 2009 Wycliffe Bible Translators, Inc.

Language: Mixtec, Silacayoapan

Translation by: Wycliffe Bible Translators, Inc.

Mixtec, Silacayoapan

mks

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Silacayoapan

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.
Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022

7f2d3ecf-6d15-55a5-9081-6e970474df2f